


CONVENIO DE COLABORACIÓN ENTRE O EXCMO. CONCELLO DE LUGO E A ENTIDADE CORPORACIÓN HIJOS DE RIVERA, S.L.

En Lugo, a 26 de maio de 2023.

REUNIDOS

Dunha parte, dona Tareixa Ferreiro Tallón, con NIF 32.773.589-S, en nome e representación do Excmo. Concello de Lugo (en adiante "**Concello**"), con NIF P-2702800-J, e enderezo en Praza Maior s/n, actuando en calidade de Tenenta da Alcaldesa Delegada da Área de Cultura, Turismo, e Promoción da Lingua, conforme as atribucións que lle confiren á Alcaldía e a Xunta de Goberno Local (XGL) os artigos 124 e 127 respectivamente da Lei 7/85, de 2 de abril, Reguladora das Bases de Réxime Local, atribucións delegadas segundo acordo XGL número 28/452, de 17/7/2019 e Decreto núm. 2973/2021 de 16/04/2021 na súas actuais redaccións.



Doutra parte, don Antonio Viejo Puga, con DNI núm. 36.102.668-L, en representación de Corporación Hijos de Rivera S.L, con NIF B-70313507, con enderezo en R/ José María Rivera Corral nº 6 A Coruña, Polígono de A Grela- Bens, na súa condición de apoderado, de conformidade coa escritura de poder outorgada ante o Notario de A Coruña, D. Francisco Manuel Ordóñez Arman, en data 25 de novembro de 2011, co número 2.998 de orden do seu protocolo. (En adiante, "a **Empresa**").

Ambas partes recoñecen a capacidade mutua para subscribir o presente **CONVENIO DE COLABORACIÓN**, (en adiante o "**Convenio**"), e

MANIFESTAN

I.- Que, de conformidade co disposto nos artigos 25.1 e 2 da Lei 7/1985, de 2 de abril, Reguladora das Bases de Réxime Local ("LRBRL") e 80.1 e 2 de la Lei 5/1997, de 22 de xullo, da Administración Local de Galicia, respectivamente, o Concello de Lugo ten como competencias, no seu municipio, entre outras: (i) a promoción da actividade turística de interese e ámbito local; (ii) a promoción da cultura, actividades e instalacións culturais; e (iii) a promoción do deporte e instalacións deportivas e de ocupación do tempo libre.

II.- Que no exercicio das devanditas competencias, o Concello de Lugo, está interesado en promover distintos proxectos e actividades socioculturais e de promoción turística en Lugo, e como todos os anos, pon en marcha o San Froilán 2023. Realizaranse concertos en varias prazas da cidade, unha exposición con diversas actividades arredor do traxe tradicional galego denominada Cultura e Tradición no Camiño e tamén haberá unha nova edición do San Froilán Miúdo no patio do edificio administrativo do Concello.


III.- Que, a súa vez, CORPORACIÓN HIJOS DE RIVERA, S.L. está interesada en prestar a súa colaboración co Concello de Lugo no fomento e apoio de proxectos e

actividades socioculturais, de promoción turística e festas e, no seu caso, desenvolvemento dos mesmos, nos termos dispostos no presente documento.

IV.- Que, a tales efectos, o artigo. 48.3 de la Lei 40/2015, de 1 de outubro, de Réxime xurídico do sector público, permite a subscripción de convenios co fin de mellorar a eficiencia da xestión pública, facilitar a utilización conxunta de medios e servizos públicos, contribuír á realización de actividades de utilidade pública e cumprir coa lexislación de estabilidade orzamentaria e sostibilidade financeira.

V.- Que, visto o interese da entidade CORPORACIÓN HIJOS DE RIVERA S.L. por colaborar co Concello de Lugo no desenvolvemento de distintos proxectos e actividades socioculturais e de promoción turística en Lugo no marco da festa de o San Froilán-2023, polo que, ambas partes acordan asinar este Convenio de Colaboración, acolléndose ao contemplado no artigo. 47.2.c) da Lei 40/2015, de 1 de outubro, de Réxime Local Xurídico do Sector Público, que permite os convenios entre unha Administración Pública ou organismo ou entidade de dereito público e un suxeito de dereito privado, e o artigo 25.1 da Lei 49/2002, de 23 de decembro, de Réxime Fiscal das entidades sen fins lucrativos e dos incentivos fiscais ao mecenado.

CONVENIEN



PRIMEIRO. - O obxecto deste Convenio é regular a colaboración, **sen carácter exclusivo**, entre o Concello de Lugo e CORPORACIÓN HIJOS DE RIVERA S.L. a fin de fomentar, impulsar e apoiar as actividades socioculturais e de promoción turística e festas no Concello, e, en especial, á festa do “San Froilán 2023”, que se celebrará entre os días 4 ao 12 de outubro de 2023. A celebración da festa, entendida como promoción e prestación dun servizo público que contribúe a satisfacer as necesidades e aspiracións da comunidade veciñal, é competencia do Concello de Lugo, segundo o artigo 25 da LBRL.

SEGUNDO. - Como parte desta colaboración, a entidade CORPORACIÓN HIJOS DE RIVERA, S.L., aporta voluntariamente a cantidade de 15.000,00 euros para contribuír aos gastos relativos ao fomento e desenvolvemento por parte do Concello, da celebración do “San Froilán 2023”. Dita cantidade ingresarase na conta do Concello número ES59 2080/0101/ 56/3110000947, sempre con carácter previo ao inicio das actividades e preferiblemente á sinatura do Convenio. O Concello asumirá a organización, coordinación e desenvolvemento dos eventos, actividades no marco da festa do “San Froilán 2023” obxecto desde convenio na súa integridade (no seu caso, infraestruturas, necesidades técnicas de produción, publicidade, venda de entradas, dereitos de autor, seguridade, contratación, etc.) mantendo íntegramente indemne a CORPORACIÓN HIJOS DE RIVERA, S.L. de calquera responsabilidade de calquera índole e natureza, derivada das mesmas. En todo caso, as partes manifestan expresamente que a achega de CORPORACIÓN HIJOS DE RIVERA, S.L. de acordo ao disposto nesta cláusula, en ningún caso, resulta superior os gastos previstos para a execución da mesma. O Concello de Lugo expedirá as certificacións oportunas ás achegas realizadas aos efectos legais, e concretamente, a Certificación Xustificativa da recepción da achega realizada pola entidade CORPORACIÓN HIJOS DE RIVERA, S.L. emitindo o Concello, a tal efecto, os correspondentes documentos que así o acrediten.

TERCEIRO.- Pola súa parte, o Concello de Lugo asume expresamente fronte a CORPORACIÓN HIJOS DE RIVERA, S.L. o compromiso de considerarlle colaborador



Concello de Lugo



institucional do Concello de Lugo no sector da cervexa e das augas minerais, e, en especial, da festa do “San Froilán 2023”, considerada de interese xeral polo Concello, e incluírá, na condición de colaborador institucional, os logotipos da entidade CORPORACIÓN HIJOS DE RIVERA S.L.- ESTRELLA GALICIA nos programas, eventos socioculturais, musicais e turísticos realizados con motivo do “San Froilán 2023” e difundirá por todos os medios de comunicación, páxina web e redes sociais que utilice para a difusión da festa, a participación da entidade colaboradora nela. Ao finalizar a vixencia do presente Convenio, o Concello enviaralle á entidade colaboradora, á Certificación informativa das actividades realizadas ás que foi destinada a achega económica. Ademais, o Concello incluírá a CORPORACIÓN HIJOS DE RIVERA, S.L., con carácter xeral, en calquera enumeración de colaboradores institucionais do Concello que resulte efectuada no ámbito de festas, especialmente no “San Froilán 2023” e/o calquera actividades eventos e/o proxectos culturais ou de promoción turística en Lugo, que poidan ser considerados de interese xeral polo Concello. Así mesmo, o Concello declara ter feito a tramitación legalmente establecida na normativa que lle resulta aplicable, en xeral, e no artigo 50 de la LRXSP, en particular, incluída a realización da preceptiva Memoria Xustificativa, en virtude da cal, o Concello analiza a necesidade do convenio, a súa oportunidade, o impacto económico, o carácter non contractual da actividade en cuestión e, o cumprimento de todos os termos previstos en la LRXSP, e a dita documentación poderá ter acceso CORPORACIÓN HIJOS DE RIVERA, S.L. si así o solicita. O Concello de Lugo recoñecerá ao grupo empresarial de CORPORACIÓN HIJOS DE RIVERA, S.L. como colaborador institucional correspondente ao mesmo, nos eventos e/o proxectos socioculturais realizados con motivo da festa de “San Froilán 2023” de Lugo, a cuxo desenvolvemento vai destinada a achega realizada no marco deste convenio.

CUARTO. - O incumprimento de calquera das cláusulas deste Convenio de colaboración dará lugar á rescisión inmediata das obrigas contraídas polas partes. Serán causa de extinción do Convenio igualmente as expostas no artigo. 51.2 da Lei 40/2015. En casos de forza maior que faga o cumprimento do Convenio imposible, o Convenio entenderase resolto dende a data da comunicación remitida por calquera das partes, tendo que devolver o Concello as achegas económicas, de maneira íntegra, a CORPORACIÓN HIJOS DE RIVERA, S.L. Se entenderá por forza maior os terremotos, tifóns, pandemias (covid-19), epidemias, inundacións, incendios e outros desastres naturais, guerras, disturbios e accións militares similares, embargos, outras restricións e accións do goberno.

QUINTO. - Este convenio ten a consideración de Convenio de colaboración, e non constitúe en ningún caso contrato de patrocinio nin de prestación de servizos. O seu réxime xurídico será o contido na seguinte lexislación:

- Lei 7/1985, de 2 de abril, Reguladora das Bases do Réxime Local.
- Lei 5/1997, de 22 de xullo, da administración local de Galicia.
- Lei 49/2002, de 23 de decembro, de Réxime Fiscal das entidades sen fins lucrativos e dos incentivos fiscais ao mecenazgo.
- Lei 39/2015, de 1 de outubro, do Procedemento Administrativo Común das Administracións Públicas.
- Lei 40/2015, de 1 de outubro, de Réxime Xurídico do Sector Público.

SEXTO. - As dúbidas que se presenten na interpretación e execución deste Convenio de colaboración serán resoltas por unha Comisión Mixta integrada por



MURALLA
OFICINA DE TRANSACCIONES

dous membros de cada unha das partes, resolvendo, no seu caso, os problemas de interpretación e/o cumprimento que puideran presentarse. Ao respecto, as partes, comprométese a tratar de solucionar de boa fe calquera controversia xurdida entre elas pola razón dos termos de interpretación ou execución do presente convenio, así como facer os seus mellores esforzos por adoptar os acordos e poñer en marcha as iniciativas necesarias para o cumprimento e desenvolvemento do mesmo.

SÉTIMO. - Este Convenio non será prorrogable e estará en vigor desde a data da súa sinatura ata o día 12 de outubro de 2023.

OCTAVO. - As partes informarán aos respectivos representantes legais deste Convenio que os seus datos persoais, conforme se reflicten nos respectivos encabezamentos, se incorporarán aos ficheiros de cada una de elas a efectos da xestión da presente relación contractual. Tales representantes, en calidade de Titulares dos Datos, toman debido coñecemento de que poden exercer os seus dereitos por correo dirixido á sede da parte correspondente.

Por todo o exposto, asinan as partes o presente Convenio por triplicado, en proba da conformidade na data arriba expresada.

CORPORACIÓN LOCAL

A TENENTA DA ALCALDESA
DELEGADA DA ÁREA DE CULTURA,
TURISMO E PROMOCIÓN DA LINGUA

EMPRESA

CORPORACIÓN HIJOS DE RIVERA, S.L.

Asinado por TAREIXA ANTÍA FERREIRO
TALLÓN - ***7358** o día 26/05/2023
cun certificado emitido por AC
CAMERFIRMA FOR NATURAL PERSONS -
2016

